



Broj:01-2-2094/13  
Sarajevo, 20.06.2013. godine

## MEDIJIMA

***Predmet : Saopćenje za javnost***

### ***Ukinuta dozvola za rad Postbanci BH Poštanskoj banci d.d.Sarajevo***

Agencija za bankarstvo FBiH ukinula je danas ( 20. 06. 2013.) dozvolu za rad Postbanci BH i otvorila postupak njene likvidacije. Na ovaj potez Agencija se odlučila polazeći od prijedloga privremenog upravnika Postbanke za otvaranje postupka likvidacije, a u cilju zaštite sredstava štediša i domaćih firmi deponenata te ostalih povjerilaca Banke. Za likvidacionog upravnika imenovan je Hazim Škapur.

Privremena uprava u Postbanku BH uvedena je u oktobru 2010. godine zbog nelikvidnosti i pada neto kapitala ispod zakonski propisanog minimuma. Tokom privremene uprave činjeni su naponi na iznalaženju partnera za prodaju, spajanje, pripajanje ili dokapitalizaciju banke, te u tu svrhu objavljeno je više javnih poziva za prikupljanje ponuda potencijalnih investitora. Nažalost, i pored brojnih kontakata i pregovora nije bilo konkretnih rezultata, a po zadnjem pozivu jedina ponuda za dokapitalizaciju banke prispjela je od potencijalnog investitora FAM Found-a sa Britanskih Djevičanskih otoka, koji nije dokazao da ispunjava propisane zakonske uslove za dobivanje odobrenja sticanja značajnog vlasničkog interesa u Banci.

Pravomoćne i izvršne presude po tužbama uposlenika Banke za isplatu razlike plata iz osnova Kolektivnog ugovora za granu finansija, kao i pravomoćne presude drugih povjerilaca protiv Banke, imali su dodatni negativan uticaj na finansijsko stanje (i kapital), i ugrozili interese štediša i domaćih firmi deponenata te ostalih kreditora, čime je onemogućen zakonit nastavak rada Banke. Takve tužbe i buduće potencijalne obaveze po istom osnovu, dodatno su doprinijele nezainteresiranosti potencijalnih investitora za dokapitalizaciju i rješenje statusa Banke.

Ukidanjem dozvole Postbanci u bankarskom sistemu F BiH ostaje 17 banaka.

URED FBA ZA INFORMIRANJE